

was eyntrechtlichen behalden. Dorezû sprach unde antworth der innige man unde her
 er Bertoldus Gersbach, eyn besiezende vorweser des oben gemelten schmelzerlehins
 unde altaris: „Ja, eß ist war, daß ist banth unde schloß, ich kenne eß alliß wol, ich habe
 eß ofte bey den schmelzern geschin, do ich noch an meynem altden dinst der hõttens
 5 schreyberey was, unde habe auch ofte dy confirmacion genomen mit erer aller willen auß
 dem ledeleyn, do banth unde schloß czu haben gedynet, ofte dyselbigin gelesen mit
 ander schriffte, dy von altders czu dem iren lehin unde altare gehorten unde noch unvor-
 dõrbplich vorware czugehõren, so vil mir darvon bewost von solcheß der schmelzer
 czeche lehins unde altars, daß ich den iczunt ynne yn besiezunge, so lange got wil, von
 10 den schmelzern meynen lyeben gunnern unde herren mit der presentacion von den-
 selbigin schmelzern willen unde erer aller wegen byn yngewist unde yn meyn eygene
 gebrauchunge unde besiezunge (got sey gelobt) genomen umbe des willen, daß vormals
 vil mehir gewost habe von sachen der confirmacion ander mehir freyheyt des altaris der
 obgnanthen schmelzer czeche unde aller copien desselbigen unde außschriff, hab ich
 15 mich deß nicht besorget, daß dy stat schaden mochte nemen, als eß ist leyder yêrlich der
 schade ergangen, unde daß ledeleyn yn der stat Freyberg mit aller habe Hans Clugen
 vorbranth unde vortorben ist, hoffe ich unde getrwe got dem almechtigen, meyn gutten
 gunner unde herren dy schmelzer bleyben wol bey irer alten freyheyt, gewõncklichen
 jus patronatus unde desselbigen yres lehins unde altars gerechtikeyt czu haben, unde
 20 nymant kan ader mag sey des berauben, sey wollen eß denne selbst vorwarlossen, des
 got nicht gebe; wenne so sõlchiß geschêhe daß sey wõrden abgetrungen von solcher
 yrer freyheyt, wõrde man vil wenniger of dy schmelzer czeche halden unde wõrde ofte
 fallen erbeyt yn der hõtten, daß denne meynen gnedigin herren keynen fromen brêcht,
 sundern grossen treffichen schaden.“ Ober welche sache oben berurth dy oben gemelten
 25 schmelzer czeche mitbrûder unde genosßen, sunder der bescheyden Stegenickel von yrer
 aller wege willen nebensich yrer aller capplan herren Bertoldum oben gemelten mich
 unden ab geschreben offenbaren schreyber haben doselbst gebeten czu machen cysn ader
 mehr instrument ader offenbar urkund, so vil en yn solchen sachen not wurde seyn ader
 benötigen. Dorbey seyn gewest — dy erhaftigen Jeorgius Austerwalth unde Steffanus
 30 Hedarffer Gaurinen^{b)} unde Austen^{c)} sõne unde clerici doreczu sunderlichen gebeten unde
 geruffen. Unde ist alleß geschehin yn czeyt tage unde stunden babistumb unde keyser-
 tumb oben berurth yn dem hause des oben egemelten Hans Clugen an dem keler seyner
 eygen wonunge.

35 Signum
notarii. Unde ich Nicolaus Bûchener Dresseler von Fulda gnanth Wirczburger
 bistumbs clericus von keyserlicher gewalt offenbar schreyber unde tabellio —

487. b) Gaurinen. c) Austen.